

Transkription von Stadtbucheintrag BRB 1455b

Ort, Datierung: Brandenburg an der Havel, 1455-11-09

Signatur: Stadtarchiv Brandenburg, Stb. 8.2, 43r-46r

Inhalt: Rat der Städte Brandenburg: Schuldbucheinträge

Na godes gebord vierteinhundert iar(e) dar na in / deme viff vnde veftigesten Jare Am(e) Sundage / vor
martini Js geschreue dat olde Baltzer bo/gewitz vnde Baltzer syn sone vnd(e) hans domes /
same(n)derhand gnome(n) hebben van dem(e) rade in / der nien Stad Brandeborch twe hundert gude /
rinsche gulden(e) vp ore stande eigen vnde ligge(n)/de gru(n)de wu sie die in vnnses gnedigen h(er)n /
vnde der Stad gerichte hebb(e)n vnde vp ore / redeste guder(e) dar vor sie dem(e) rade alle iar / vp
Sunte mertens dage geuen scholen veff/teyn gude rinsche gulden(e) to eyne(n) rechten wed/derkope
dar vor die rad ore(n) briff vnde Jngesel / vorsettet hebb(e)n vnde desse kopp schal nicht / lenger stan
wan dry Jar den scholen sie sodan(e) / su(m)me geldes met den rente(n) wedder afe betal(e)n / vnde
wa(n)neher sie dem(e) to genuge also gedan / hebb(e)n So schal desse brieff nicht macht hebb(e)n /
vnde ock desser schrifft gelick in der schepe(n) buck / steid geschreue(n) [debetu(m) (et) ... Lxmo
octano] / ¹ Wutkopp het gnome(n) vj schock up sinen garden / buthen den clat(er)path van Sunte
Jacops vorstender(e)n / dar van geeft he dem(e) rade alle iare j pu(n)t vp / paschen to eyne(n)
wedderkope / ¹ merten eickelbom hett gnome(n) van hans woldegg(e)n / v schock vpp syne beide
garden dar van geeft he / dem(e) suluen woldegge j pu(n)t vp pu(r)ificaco(n)is / marie to eyne(n)
wedderkope / ^{**} Hans vuck hett gedan pauwel schulre xxx schock / vp syn dael des gardens den he van
hane sure krech / [hy(n)der den trurberch] / dar van schal he hans vuke odder synen r(e)chten erue(n)
/ geuen twe schock alle iar up martinj to eynen / rechten wedderkope , ¹ // Segemu(n)t rauen het
gnome(n) vx schock vpp syn vferwer / van dem(e) rade dar van geeft he dem(e) altaristen Sancti /
laurentij altar(es) iij mandel g(roschen) vpp pasce vnvirtoger(e)t / to eynen wedderkope / ¹ pauwel
schulre het gnome(n) xij schock van der schroder(er)n / uppe synen scharne dar van geeft he eyn
schock den / schrader(e)n vp paschen to eyne(n) wedderkope / ¹ Sýmon wigger het gnome(n) vj schock
van den vorstendere(r)n / Sunte Jacobs vj schock up synen gard(e)n by die Rubrugge / dar van geeft he
den vorstender(e)n j pu(n)t upp Sunte / gregorius dage / ¹ Hans swerfeger hett gnome(n) vj schock up
syn husz / vnde garden twischen beyde Stede van dem(e) rade dar / van geeft he j pu(n)t up sunte
Johannes baptisten / dage / Die old frentzkenynne het gnome(n) vj schock / vppe ór peperlant buthen
den clat(er)poth / dar vor geeft sie alle Jar j pu(n)t upp / pasce to eyne(n) wedderkope / Merten
wy(n)man het gnome(n) van dem(e) rade vj schock / vppe syn erue tuschen beyde stede dar van geeft
he / j pu(n)t vp Bartho(lomej)² Dyt is des Cappittels gelt / to meydeborch¹ // Hans ta(m)mendorp het
gnome(n) vj schock van den schu/maker(e)n vp sine(n) garden dar van geeft he oren alta/risten j pu(n)t
vp nati(vitatis) (cristi) to eyne(n) wedderkope / ¹ Claus sassze het gnomen xij schock vp syne(n) scharne
/ dar van geeft he dem(e) rade j pund vp Bartholomei / vnde j pu(n)t vp johannis baptiste dat gelt /
horet dem Ern bodeker to merszeborch / j pu(n)t dat ander(e) pu(n)t Ern Brand(enburg) / ¹ mauritz
dorck het gnome(n) xij schock van dem(e) rade (et) / dabit [altariste altar(is) Sancti Simo(n)is (et) Jude
omn(is) / an(n)o j schock vpp nati(vitatis) (cristi) vp sine Stenousche / huse / ¹ Jurien holtste het
gnome(n) xvij schock van den vorstender(e)n / des hilige(n) bludes gulde vp sine stenouwsche huse
dar / van geeft he alle iar iij pu(n)t vppe dy tid wa(n)neher / dy gulde is, / ¹ Andreus vnde peter smed
bruder(e) hebb(e)n van olde hans / smedekenn(e) gnome(n) xij schock vppe den garden by / die

tigelschune dar van geue(n) sie hans smedekenn(e) / vnde synen erue(n) j schock vp pasche(n) vnde
 moghe / dat afe kop(e)n wa(n)neher sie willen /¹ Jacob schonow r(e)cepit xij schock vp syne(n)
 scharne(n) dar / van gefte he den elend(e)n j schock vp paschen vnde / j schock vppe sunte Joh(ann)es
 baptiste(n) dage to erue(n) wed/derkope¹ // Hans hinricks het gnome(n) xij schock vppe sinen
 scharnen / van hans smedeken dem(e) olden dar van gefte he ij pu(n)t pe(n)ni(n)ge / vp bartholomej
 dem(e) sulue(n) hans smedekenn edder sinen erue(n) / to eyne(n) r(e)chten wedderkope alle iar /¹ hans
 woldegge het gnome(n) xxiiij schock vppe syne stenouwsche / hufe van olde hans smedeke(n) dar van
 gefte he hans / smedekenn(e) odder sine(n) erue(n) alle iar ij schock vpp sunte / michils dage to eyne(n)
 wedderkope /¹ Gores rule het gnome(n) xij schock up sine(n) sine(n) scharne / van dem(e) rade dar van
 gefte he dem(e) alta(r)isten Sanctj / laurentij alle iar j schock vp wy(n)nachten /¹ Hans woldegge het
 gnome(n) van dem(e) Rade vj schock up / synen garden vor dat stendor dar van gefft he j punt / vp
 lichtmisse Su(n)nemans gelt /¹ Hans gryben het gnome(n) xij schock vp sine stenouwsche / hufe van
 Lams kinder(e)n dar van gefte he den suluen / kynder(e)n ij pu(n)t vp pasce to eyne(n) wedderkope /¹
 Hans bomke het gnome(n) xij schock vppe³ den³ worschof³ van den patrone(n) / des altares
 Sancto(rum) Symo(n)is et Jude dar van gefte he / dem(e) altaristen des altares alle Jar ij pund vp sunte /
 Johannes baptisten dage /¹ Claws schrapstorp het gnome(n) vj schock vp sin erue / twischen beyde
 Stede dar van gefte he dem(e) rade j pu(n)t / vp Bartholomej // Hans swertteÿer(er) hett [...] van
 dem(e) rade vj schock up / syn erue vnde garden dar van gefte he j pu(n)t / vp ihohannis /^{**} Kerstien
 Jeneke r(e)cepit v schock vp sine(n) scharne van den / knokenhouwer(e)n dar van gefte he xxv
 g(roschen) up micha(lis)² / to eyne(n) wedderkope /¹ Andreus pulman r(e)cepit vj schock van den
 knokenhouwe/ren dar van gefft he j punt vp micha(lis)² to eyne(n) / wedderkope /¹ Hans pe(n)nigh
 r(e)cepit vj schock van den elenden vpp / syne halue hufe dar van gefte he j pund vp paschen / to
 eyne(n) wedderkope /¹ Tile berenwolde het gnome(n) vj schock van des hilige(n) / bludes gulde vp
 syne wisch to planouwe dar vor / gefte he der gulde j pund vp walburg(en) / hans woldegge het
 gnome(n) viij schock van des hiligen / bludes gulde vpp syn land vnde wesen to planouwe / dar van
 gefte he der gulde alle iar virtich g(roschen) vp / Johannis baptiste / Peter andreus het gemaket synen
 dren stifkind(er)n / Jacob rulofs kynder(e)n vor ores vader erue xij schock / Brandeborgescher weringe
 vnde eyne(n) ichliken j bedde / wol bedecket vnde iij grope(n) negest den beyden grete(n) / vnde dat
 grote begken vnde twe halue stoueken kannen / vnde dry rode stulkussen(e) vnde der muder xl schalen
 / vnde den haluen garden dat schal van eyne(n) to den / ander(e)n steruen , vnde dat gelt vnde gud
 schal / by em stan vppe dat ander(e) del des gardens vnde sine / redes(te)² guder(e) // laurentz rule
 het gnome(n) vj schock van dem(e) rade / vp sine(n) scharnen dar van gefte he j pund up micha/helio to
 eyne(n) rechten wedderkope / wilke clessen het gnome(n) vj schock vp sine(n) scharne(n) / va(n) den
 schumeker(er)n dar van gefte he j pu(n)t vp micha(helio) / to eyne(n) wedderkope /¹ Jacob schanow het
 gnome(n) vj schock van deme Rade / vppe sinen scharnen dar van gefft he j pu(n)t vp / martini /
 Svnne gelt / Domes messen het gnome(n) vj schock vp sine halfe / hufe dar van gefte he j pund vp
 marti(ni) alle / Jar dem(e) rade /¹

¹ Absatz durchgestrichen

² letzte Silbe hochgestellt

³ Lösungszeichen, übergeschrieben